


## Sente tlapacho omoyolkouaya



Se uelta oktaya sente pifton tlapacho poktik. Nin pifton okimpiaya makuile ipiluan. Iuan non makuile otlakat sente kokokoneton. Non pipiokonemey oktayaj chichiltik, chipauak, kokostik uan poktik.

Non kokokoneton oktaya tlitliltik kuakuakuale.

Kuak okikakej nin tlajtolmej non pipiokonemey la opejkej kinekej non kokokoneton.

Uan kiyon otlasalojkej nochipa tenekiskej.






Uan non inuaxka non pipiomej momostla okintlamakaya ka tlakualispan.


Nochipa onentinemiyaj ka kiauak uan ka ikuitlapan non kale.

Kuak non pipiokonemej amo okimitayaj non tlapacho, okitzojtzopiniyaj non kokoneton ka non intenpias. Non kokoneton la otzajtziya, mas ijuan amo okikneliyaj.

Non ualmostla non kintlamaka okintlamachtlali nochtin uan okimili:

—Nejua oniktlali sente itotolte kokoneton iuan non itotolteuan non tlapacho, kuak otlakat nin kokoneton.





Sente non pipiokonetl okili non kokokoneton:

—Tejua amo sikej tejuan. Tejua tikpia nin monakayo tilitik uan kache tiueyi.

Mas non tlapacho amo otlakua. Uan non kintlamaka okitlajtlani non tlapacho:


—¿Tleka amo titlakua?


Okinankili non tlapacho:

—Amo nikpia pakilistle, por nikimita nin nopiokoneuan amo kinekej nin nokokokoneton.

Okinankili non kintlamaka:

—Amo ximoyolkoko. Nikinmilis tleka otlakat iuan non pipiokonemej non kokokoneton.





Non tlapacho okitak amo okinekiyaj non kokokoneton, mas ijua la okinnekiya nochtin.

Uan ka iyouak kuak omotekatoj, non pifton tlapacho nochtin okintlapacho non pipiokonemej ika non iyestlakapalan. Ijkuak non youale non tlapacho opej monemilia kenika kichiuas para ma ayekmo kiteuikan non kokokoneton.

Uan se tonale non kintlamaka opej kintzajtzia ikuitlapan non kale para kintlamakas. Okimili:

—Piyo, piyo, piyo.

